

Խարկայի ովասիսին մէջ կը հասնին արմաւ, գարի, ձիթապտուղ և ուրիշ պտուղներ: Ովասիսին բնակիչները խաշնարածութիւն և ուղտապանութիւն կ'ընեն: Իբր ճարտարարուեստ ունին ուղտի և այծի մազերով շինուած գորգեր: Իբր վաճառք՝ ձէթ: Այսօր Խարկա երկաթուղիով կապուած է Նակահամատի և ինքնաշարժի ճամբով մը՝ Ֆէյուսի: Ուղտի կարաւաններու ճամբաները, որոնք հին ատենէն ի վեր գոյութիւն ունէին և որոնցմէ անցած է անշուշտ նաև մեր հայ արքեպիսկոպոսը զարմանալի հետաքրքրութեամբ մը, տակաւին այսօր էր գործածուին:

Յովհաննէս Թիւթիւնճի իր հետաքրքրական ճամբորդութեան մեկնակէտը՝ Գահիրէ դառնալէ յետոյ, Եգիպտոսէն ծովու ճամբով կ'երթայ Լիփոնո, Թոսքանայի մեծ դքսութեան տաւաթական կարեւոր նաւահանգիստը, ուր այդ թուականին բաւական թուով Հայեր կ'ապրէին:

Հետաքրքրական է դիտել տալ, թէ 1678 Սեպտ. 17էն մինչև 1680 Օեպտ. 21, երկու տարի և 10 օրուան ժամանակամիջոց մըն է (այսինքն 730 օր): 241 օրը ճամբու վրայ անցուցած է Յովհաննէս Թիւթիւնճի, իսկ 4 ամիսը (120 օր) ալ՝ Հապէշիստանի մայրաքաղաքը, որով 730ի վրայ 361 օրերը կը ճըշգրէի թէ ինչպէս գործածուած են: Անյայտ կը մնայ, թէ 369 մնացեալ օրերը ինչպէս անցած են:

Ասօր ալ ուրիշ մեկնութիւն չենք կրնար տալ, եթէ ոչ սա որ իր այցելած մօտաւորապէս 15 քաղաքներուն մէջ մնացած է բաւական ատեն, ինչպէս որոշ կը հասկցուի իր ուղեգրութենէն:

Օրինակ՝ Դիվարպատ հասնելէ յետոյ, իր նըկարագրութեան համաձայն՝ 30 օրուան ճամբայ հառուն ապրող թագաւորէն արտօնութիւն ուղղուած է,